

## حِسْبَة تَانِيَة

لَمَّا جِيت يَوْمَهَا أَقُولُكَ  
تَقْبِلِي اِنْكَ تَبْقِي لِيَا ؟  
عَنْدِي إِيهْ أَوْ إِيهْ هَجِيْبِلِك  
هِيَّهْ دِي .. كَانَتْ الْقَضِيَة

كَانَ مَعَايَا حَاجَات تَهْمُكْ  
كُنْتِي عَاجِبَانِي وَبِحَبِّكَ  
كَنْتُ اَنَا بَرْدُو الْي عَاجِبِكَ  
وَالْي مَالِي عَلِيْكَ قَلْبِكَ

تَعْرِفِي إِيهْ فَيَا أَثَرُ ؟  
إِنِّي مَا كُنْتُشْ مِقْصَّر  
كَانَ مَعَايَا الْي يَكْفِي  
بَسْ كُنْتِي عَايِزَة أَكْثَر

---

كُنت قَادِرَ عِ الْبَدَايَةِ  
وَالِي كَانَ لَازِمَ لَزُومِ  
إِيْدِي عَلَى إِيْدِكَ مَعَايَا  
كُنَّا هِنَطُولُ النُّجُومِ

مَهْمَا مُمَكِّنَ يَبْقَى عِنْدِكَ  
لَوْ تَكُونِي لِحَدِّ تَانِي  
فَيْنَ مَكَانُهُ جُودًا قَلْبِكَ ..  
إِلَيَّ هِيَعَوَّضَ مَكَانِي؟

فِي حَاجَاتٍ غَالِيَةٍ فِي حَيَاتِنَا  
مِشْ بِنَقْدَرُ نَشْتَرِيهَا  
لَوْ نَفُوتَهَا .. أَوْ تَفُوتَنَا  
صَعَبَ مِن تَانِي نَلَاقِيهَا

أصل قلبك.. شكله لعبة  
والي يدفعك .. ينولها  
إنتي بتبيعي المحبة  
زي كلمة .. مش هقولها

الزمن دا قالها حكمة :  
المشاعر مش مهمة  
بالي تقدر تشتريه  
تبقى ليك قيمة ولازمة

مش هلومك في اختيارك  
دي حياتك.. ده قرارك  
مش هحدد ليكي هدفك  
مش هحددلك مسارك

---

ما تخافيش خالص عليّا  
لِسّه أحلامي ف إيديّا  
بُكره يبجي اليوم وهَلقى  
إلي تحسب حسبة تانية

واحدة تانية هبقى ليها  
كُل حاجة وروحها فيّا  
حسبة تانية هبقى فيها  
أسوى كُـل الدنيا ديّه .